


't Kerkje van Ellesdiek



Oecumenische bieëênkomst

Voë de deure

19 maerte 2017



Uutleg bie de tēkenienge.

De zonde, uut 'ebeeld in een wolfachtig figuurtje lig op z'n gemakje te slaepen voe de deure.

Het figuurtje achter de deure dienkt: "Zou ik um binnen laete? Wirrom ok nie. Ik bin toch baes in m'n eigen uus!"


Jopie Minnaard.

Liturgie Ellesdiek 19 maerte 2017

Thema: "Voe de deure"

Urgelmuziek	(Ko de Visser)
Welkom	(Anja Kopmels)
Blommen	(Janny Geldof)
(me gae stae)	
Mie z'n vieren	Psalm 4

REFREIN (allemaele)



A'k nae Joe roe - pe, geef mien dan
ant - woord.

*1. Jie bin mien waer' eid,
Jie die a ruimte geeft,
kiek toch welwillend.
Refrein*

*2. Mènsen oe lank nog
gae m' achter liegens an,
en è me niks.
Refrein*

*3. A t'r eên vraegt:
wien maekt oans gelukkig –
geef mien dan antwoord.
Refrein*

*4. Jie zie 't toch ok wè.
Mie et licht van joen oôgen
zegen mien.
Refrein*

*5. Geef toch ruimte.
Laet mien weune ienkel in Joe.
Refrein*

Durpelgebed

(Hannie Oele)

(me gae zitte)

Zienge

Lied 845 NLB vers 1, 2 en 3

1. Tied van vloek en tied van zegen,
tied van droôgte, tied van regen,
dag van oôgste, tied van noôd,
tied van stênen, tied van broôd,
tied van liefde, nacht van waeke,
uur der waer'eid, dag der daegen,
toekomst die 'ekommen is,
woord dat a vol stilte is.
2. Tied van troôste, tied van traenen,
tied van schoôn'eid, tied van schaeme,
tied van jaege noe of noôit,
tied van 'ope of nog oôit.
tied van zwiege, zin vergete,
nergens bluve, niemand wete.
tied van kruupe, angst en spiet,
eênzaem'eid en zeê van tied.

3. Wie an dit bestaen verlore
nieuw begun ei of'ezwore,
wie a't oudt bie wat 'n eit,
sturve doet 'n ongeleefd.
Tied van leven om mie velen
Broôd en aesemtocht te dêle.
Wie niks geeft om zelfbehoud,
Leven vindt 'n 'onderdvoud.

Lezieng Genesis 4:1 – 16 (Corry Verburg)

Mie z'n vieren Kotlam VL 194

*Kotlam en vee een 'ekel in m'n lief.
Toet tegenspraek' en dwassig'eid 'edoemd.
Oôit schreeft'r eên: 'k vind 't ies'lijk om te leven.*
Toch in joen 'anden en nae Joe 'enoemd.*

**citaat van Hadewych*

Lezieng Lucas 11:21 – 26 (Corrie de Baar)

Mie z'n vieren Lied van zonde en genade (VL 287)

1. 't Zà aoltied bluve – oans è levenslank,
neige nae 't kwaed, me trokke nae de zonde,
dien diepen trechter vol van duusternis
waer a elk sprankje licht nog wor verslonde –
dat is oans lot en gin ontkommen an...
Waer is dien doenk'ren droôm toch uut'evonde?
2. Wien aelt oans uut die koôie van dien doôd?
Van goeie wil, voe 't kwaëje op'eschreve
beul ik m' ier af voe liefd' en droôgen broôd,
zoek' plekken licht, 'k wil me gewonne geve;
mèr ienkel zwaert' en steënen in m'n schoôt.
Wî bin d'r blieken van dat aâre leven?

3. *Mè dien gestikten deken trok Jie los
en dan begun joe Geêst aneêns te waaien,
blaest oanze droômen wig, den 'emel blauw –
nog voe a d' aene 's ochens wee kan kraaie
bin Jie a bezig an je'n ommegank
om joe genade in oans uut te zaaien.*

Zienge

Dir a liefde is NLB 568a

Dir a liefde is van mens toet mens,
Dir a liefde is, weun God onder oans.

Overdienkieng

(Hannie Oele)

Een stuitje stille weze

Zienge

Lied 316 NLB vers 1, 2, 3 en 4

1. 't Woord dat a joe toet leven riep
is noôit te oôge of te diep'
a zou je dat meschien ok dienke.
Neê, 't staet as teêken in je'n and,
as glienstertj' in je'n oôg 'eplant,
zò da je 't elken dag zie wienke.
2. Gunter an d' overkant is 't nie.
Dienk nie: wien gaet dir om voe mien,
wien wil t'r over 't waeter vaere?
Wien brieng die schat an wies'eid mee
die a d'r mênsen wel en wee -
die a oans leven kan verklaere?

3. Ok in den ‘emel vin’ je ’t nie –
 a was ’t a j’ aol nae boven zie –
 oe a j’ ok nae den ‘emel ‘aeke.
 A was ‘t a j’ aol de sterren leest,
 ienkel de Geêst raekt an de geêst
 ienkel dat Woord kan ’t arte raeke.
4. Dat Woord van liefde, recht en vree
 kreeg j’ op je’n eigen tonge mee,
 ‘t staet in je’n eigen art ‘eschreve.
 An aolle kanten oar je God:
 troast en vergevieng en ’t gebod –
 vlak voe je voeten ligt et leven.

Voorbeden

(Marga van de Plasse)

Nae elke voorbede de acclamatie:

Mie z’n vieren:

1. Ou me in le - ven, Jie bin m'n red - dieng.
 Oal - tied zoe - ke m'n ô - gen ni Joe.

Oanze Vaoder

Oanze Vaoder in den emel
 Joe Naem wor eheiligd
 Je koninkriek za komme
 Je wille za geschiede
 zòwel in den emel as ok op d’aerde.
 Geef oans heden oans daegelijks broôd
 En vergeef oans oanze schulden
 Zòas oans ok vergeve die oans wat schuldig bin.
 En brieng oans nie in verzoeking

mae verlos oans van et kwaeje.
Want van Joe is et koninkriek
en de kracht en de heêrlijkheid
tot in eêuwigheid.
Amen.

Mie z'n vieren

Lied 265 NLB vers 1, 2 en 3

*1. Jie waekt en draegt
en vraegt an mien
of a 'k verdraege kan
joe schae zò nae bie mien*

*2. Jie zurgt, bewaert
en zoekt nae mien
of a 'k vermoede kan
joen aesem naebie mien*

*3. Jie wacht bie nacht
bie dag op mien
of a 'k verneme wil
joen arteklop in mien*

Aollemille

4. Jie zoekt mien, zeit
en roept mien naem:
en a'k et oa-re wil
za'k joe stem-me ver-stae.

The musical notation consists of four staves of music in a single system. Each staff begins with a treble clef and a key signature of two flats (B-flat and E-flat). The first staff contains a quarter rest followed by four quarter notes. The second staff contains four quarter notes. The third staff contains five quarter notes followed by a quarter rest. The fourth staff contains five quarter notes followed by a half note. The lyrics are written below the notes, with some words split across lines.

Collectes D'n eêsten is voe Projecten in Nepal en de twidden
voe de onkosten van de bieênkost.
In februari was de opbriengst voe Projecten in
Nepal 279,61 euro en voe de onkosten 155,22 euro

Zienge Lied 414 Randstadbundel

1. Van vier en iesder, zuur en zout,
as 't licht zò wied en eêuwenoud,
uut aolles wor een mèn's 'ebouwd
en overnieuw gebore.
As iesder in vier, bin m'aol.
As zout en zoete, zuur, bin m'aol.
Een mèn's voe een mèn's bin m'aol.
Dì bin me voe gebore.
2. As waeter nì de zeê bin m'aol,
as woord van vriendschap eêst voraol
en groot of klein' of wat nie aol -
'ezocht, 'ekend, verlore.
As aeven- en ochendland,
as ier en ok as d'overkant,
as and in een aar z'n and,
zò raek je nooit verlore.
3. As 't licht zò oud en wied, o mèn's
as waeter, luppen, dost, jie mèn's
as aolles en as niks-as-mèn's
zò raek je bie mekare.
Zò varre en zò dichbie,
zò saemen, zò werm as ik en jie,
deur 't leven mie strie' en vrie'
zò kom je bie mekare.

(me gae stae)

Zegenbede

(Hannie Oele)

Aollemille

Lied 814 NLB canon

The image shows three staves of musical notation in 3/4 time, with a key signature of one flat (B-flat). Above the first staff are the chords F, C, F, C, F. The lyrics are: Wees 'e - zee gend, op pad en on - der - weg, wees 'e - zee gend.

①

②

③

(me gae zitte)

Slotwoord

(Anja Kopmels)

De bieënkost is laeter te beluusteren op www.ellesdiek.nl onder de kop Oecumene.

Ok kan je di de liturgie bekieke.

Wat a t'r de kommende tied in 't Kerkje te doen is

- zondag 26 maerte** The Willies. Wie kent ze niet? De vroegere leraerenband van het Willibrordcollege mie anstekelijke muziek. Danse mag!
14.30 uur Toegank 8 euro.
- zaterdag 1 april** Open mirreg tentoanstellege mie fotografisch werk van Francesco Faes.
13.30 – 16.00 uur
- zondag 2 april** Amicae, houtblazersensemble,
14.30 uur Zeeuwse Muziekschool angenaem klassiek.
Toegank 8 euro.
- zondag 9 april** Oecumenische bieeênkomst mie een uitvoerieng van het Stabat Mater van Pergolesi deur Cantando o.l.v. Willy Feijtel.
14.30 uur Korte overdienkieng deur Ko de Visser.
Toegank vrie. Collecte.
- zaterdag 15 april** Open mirreg tentoanstellege mie fotografisch werk van Francesco Faes.
13.30 – 16.00 uur
- zaterdag 22 april** Open mirreg tentoanstellege mie fotografisch werk van Francesco Faes
13.30 – 16.00 uur
- zondag 23 april** Fanfare Onda m.m.v. solist Stefan Knuijt op tuba.
14.30 uur Toegank 8 euro.

Vrienden van 't Kerkje

Wien a 't Kerkje bluvend wil steune, kan z'n eigen of d'r eigen melde as vriend(in) van 't Kerkje. Die vriendschap die onderstreep je mie een bedrag per jaer van tenminste € 15,-.

Meêr mag natuurlijk.

Wien a vriend wil worre, meldt dat even en stort de biedraege op de rekenienge van 't Kerkje. Wien a vriend(in) is, krieg in elk geval eêns per seizoen twî gratis toegangskaarten en natuurlijk de complete agenda. A je meêr oudt van losse contacten dan ka je ok een flienck bedrag ineêns storte. Bankrekeningnr:

NL49RABO03283 42 718

Vriewilligers ezocht

Me zoeke mensen die a 't licht en geluud willen (leêre bediene)!!! Moai werk! Ok mensengezocht die a voe parkeerwacht wille spele op een paer mirregen per seizoen. Vadder gasteêren en gastvrouwen voe het welkom, de thee, de koffie enz. 't Verdien eêl goed: gratis voorstellingen, vee contacten, vriendschap, sfeer.

Nieuwsbrief

Abonneer j'n eigen gratis op de Nieuwsbrief van 't Kerkje. Die verschien af en toe via de e-mail.

Geef je emailadres deur an kerkje@ellesdiek.nl of vul een kaartje in. De kaartjes ligge bie de uutgang.

Reservere kan via reserveer@ellesdiek.nl of 0113 612681

Website www.ellesdiek.nl

e-mail kerkje@ellesdiek.nl